

## ՀԱՇՎԵՏՎՈՒԹՅՈՒՆ

**Իրավաբանական վարչության փորձագետ Արմեն Դանիելյանի կողմից 2022 թվականի չորրորդ եռամսյակում կատարված աշխատանքների վերաբերյալ**

1. ՀՀ բարձր տեխնոլոգիական արդյունաբերության նախարարի հրամանով ընդգրկվել եմ մրցույթների գնահատման հանձնաժողովների, առանձին դեպքերում նաև կնքված պայմանագրերի շրջանակներում մոնիթորինգային խմբերի կազմում և կատարել աշխատանքային խմբի գործառույթներից բխող աշխատանքներ:
2. ՀՀ ռեզիդենտի կարգավիճակ ունեցող իրավաբանական անձանց, անհատ ձեռներեցներին և ՀՀ քաղաքացիներին կամ նրանց ներկայացուցիչներին այդ թվում փաստաբաններին՝ իրենց գույքի կամ գույքային իրավունքների մասին տեղեկատվություն ստանալու, սնանկության դատարան և այլ մարմիններ դիմելու համար ՀՀ բարձր տեխնոլոգիական արդյունաբերության նախարարություն (այսուհետ՝ Նախարարություն) ներկայացված գրություններին տրվել են պատասխաններ կամ դիմող սուբյեկտների գրությունները վերահասցեագրվել են համապատասխան պետական մարմիններ:
3. Որպես կատարող ուսումնասիրել եմ ինձ մակագրված օրենսդրական և ենթօրենսդրական նորմատիվ իրավական ակտերի նախագծերի փաթեթները, վերջիններիս վերաբերյալ ներկայացրել եմ մասնագիտական և փորձագիտական կարծիք:
4. Ուսումնասիրել եմ «ԱԽՈՇ» ներդրումային ծրագրին առնչվող ամբողջ փաստաթղթային փաթեթը, իրավապայմանագրային դաշտը, այս համատեքստում շարունակաբար ՀՀ վարչապետին տրամադրել տեղեկատվություն, մասնակցել ներդրումային ծրագրի հետ առնչվող մի շարք մասնագիտական քննարկումներին ներկայացրել առաջարկություններ, տվել մասնագիտական կարծիք:
5. «Տեղեկատվական տեխնոլոգիաների ոլորտի պետական աջակցության մասին», «Փոստային կապի մասին», «Լիցենզավորման մասին» Հայաստանի Հանրապետության օրենքների և համապատասխան ենթօրենսդրական նորմատիվ իրավական ակտերի դրույթների վերաբերյալ պարզաբանումներ ստանալու համար Նախարարություն ներկայացված գրությունների համատեքստում կատարվել են իրավական ապահովման աշխատանքներ:
6. Նախարարության կառուցվածքային ստորաբաժանումների իրավասությունների շրջանակներում կնքված և նոր կնքվելիք պայմանագրերի նախագծերի



ուսումնասիրում և դրա շրջանակներում փոփոխությունների և համաձայնագրերի նախագծերի մշակում:

7. Նախարարության կառուցվածքային այլ ստորաբաժանումների աշխատակիցներին պարբերաբար տրամադրել եմ իրավաբանական խորհրդատվություն՝ իրենց գործառույթների իրականացմանն առնչվող իրավական հարցերի վերաբերյալ:
8. Պատասխանել եմ պետական մարմինների և այլ գերատեսչությունների կողմից Նախարարություն ներկայացված օրենսդրական նախաձեռնությունների այլ ենթաօրենսդրական նորմատիվ իրավական ակտերի վերաբերյալ առաջարկությունների և դիտողությունների մասին պաշտոնական գրություններին, ներկայացրել նախարարության դիրքորոշումը, տրամադրել առաջարկություններ:
9. Ուսումնասիրել եմ Նախարարության՝ որպես պետական բաժնեմասի կառավարումն իրականացնող լիազոր մարմին պատկանող ընկերություններից մեկի հետ խոշոր ներդրումային ծրագրի ուսումնասիրման աշխատանքներին, տվել եմ առաջարկություններ:
10. Նախարարության կողմից իրականացվող «Մասնագետների պատրաստման բուհ-մասնավոր հատված համագործակցություն» ծրագրի շրջանակներում կառուցվածքային ստորաբաժանմանը շարունակաբար տրամադրել եմ իրավական խորհրդատվություն:
11. Որպես ՀՀ բարձր տեխնոլոգիական արդյունաբերության նախարարության ներկայացուցիչ մասնակցել եմ պետական գերատեսչությունների կողմից ինչպես առցանց այնպես տեղում կազմակերպված համաժողովներին:
12. Հայաստանի Հանրապետության բարձր տեխնոլոգիական արդյունաբերության նախարարության Իրավաբանական վարչության լիազորությունների կատարման նպատակով այլ հանձնարարականների կատարում:

Իրավաբանական վարչության փորձագետ՝



Արմեն Դանիելյան

29.12.2022թ

Հաշվետու ժամանակահատվածում կատարված աշխատանքները գնահատում եմ



Իրավաբանական վարչության պետ՝



Վահե Սարգսյան

29.12.2022թ"